

# ادبیات کمونیستی مجبوری

هفته لقی سیاسی ، ادبی و علمی غزته در .

جلد : ۱

سنه : ۱ ۱۷ ربیع الآخر ۱۳۳۵ جمعه ایرتسی ۲۸ کانون ثانی ۱۳۳۲ نومبر ۱۵

## اسویچره خاطرائی

۷ اغستوس .

بوکون بر طغیان ضیا وار . اوتلاردن ، کوشکاردن هرکس مائی کوزلکر طاقه رق دیشاری  
چیقیور . چاملر ، شمسیه لک آغاچلر کولک لک ایده میور .

بوکون طاغلر دها یوکک ، دها مهیب ، دها شاهانه !... ایکی ساعت قدر اولدیجه دیک بر  
شاهقه یه چیققدق . بیک سکز یوز مترو مرتفعز . مشهود اولان منظره دونکینک عینی ، یالکز دون  
غربدن ، بوکون شرق جهتدن باقییورز . زیر نظریمزده هپسی فرانسز اوله رق ۲۸۱۰۰۰ نفوسی  
خاوی قانتون دووو کورینیور . کوك یوزندن ، طاغ باشلاردن اینان عظیم وعمیق بر سکونت بوتون  
بر قطعه نك اوزرنده طورییور ! بیلیم نه قدر وقت کچدی .

کونش مغربه تمایل ایدیور . صباحدن بری تنی حرارت شمسک تهییج ایتدیکی سما شرقده  
نوشاقل لاقنک ایچنده بیقرار اوله رق مشهود . غریبه اوزاقدن اوزاغه کورینان لامه لاقنک اوزرنده کی  
سیس آلتون رنکته تحول ایتکده . یوقازیدن ایندکجه درینلشن نظرافقلزده یینه یوکسلمکه باشلایه رق  
آپ طاغلرینک شواهنه بی تاب اوله رق یتیشیور . شنیدی بولندییم نقطه ده سما بنده یتیشور ، کره  
ارض بندن باشلیور !

۱۵ اغستوس .

بوکون روشه دونییه دوغری یوکسلیورز . غایت منتظم بر یولی تعقیب ایتدکجه چام اورمانلرینک  
اره سنده غائب اولوب یینه چیقیورز . یوکسلدکجه هر آن هوا دها صاف ، دها شفاف ، بر آزمايع .  
هوايی یالکز تنفس دکل ، ایچنده بر ایکی دامله کونش اولدینی حالده ایچیلیور .

طاغلردن سقوط ایدن نظرلر شهرلری ، کویلری ، نهرلری ، وادیلری ، اورمانلری ایاغمزک آلتنده ،  
ینه کوکدن طاغ باشلرینه اینه رک اوستلرنده طوران مهیب وبی پایان سکونت ایچنده کوریور .

شو برقاج کون طرفنده هستی خا کدانیدن تجردله حضور پر نور سمایه چیقدم . واول که کوکب  
ارضک شواهنده دولاشدییم بوکونلرده سماده کیمسه بی بولدم . هیچ کیمسه یوقدی . یالکز آی

## غزل

امدادمه ای قیس، یتیش که هدر اولدم  
 دوشدم بو بلا خانه سندن بتر اولدم  
 مسدود کورونجه درالطافی یارک  
 رسوای هوی، مست جنون، دربدر اولدم  
 مألوف غم عشق اوله لی خاطر شیدا  
 ذوق والمندن فلکک ییخبر اولدم  
 اندیشه هجرانله کوکل تیره دی طوردی  
 ایام تلاقیده وقف کدر اولدم  
 رومال اوله رق پاینه بر کره دیسه یدم :  
 خاک در دلدار اوله لی تاج سر اولدم  
 شم ایتک ایچون ذلف پریشانی یارک  
 دامن صباه صاریلوب همسفر اولدم  
 الله کیدن یولاری صورمام سکا ای شیخ،  
 وقت اولدی که جبریله بیله راهبر اولدم  
 ربیع الآخر ۱۳۳۵  
 -بجانه نظیف

## شکوائی فراق

ایسته مزدم بهار عشقمرک  
 صوکی پرگریه بر خزان اولسون،  
 موسیقی حیات شوقمرک  
 نقرانی بوکون فغان اولسون،  
 ایسته مزدم او عمر شیدادن،  
 بکا بر یاد حزن و غم قالسین  
 هپ او ازهار شعروخو لیادن،  
 سکا بر نغمه الم قالسین  
 ایسته مزدم مکدر و گریان  
 قالایم بویله بی نصیب امل،  
 یاشایم کیسه سز اوزاقلرده،  
 ایسته مزدم او گل دوداقلرده  
 آغلاستین بر تظلم هجران،  
 بکا بر سس دیسین :  
 وفاسز، گل !

م. رشیدی